



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Rabu, 21 Disember 2022

1	Import sehingga 10 juta telur sehari mulai esok
2	Kartel telur : Kena berani ubah dasar - Anwar
3	Import 10 juta telur ayam
4	Penternak alami kerugian RM25,000
5	Sampel telur import bebas wabak?
6	Banjir
7	Teach kids tol love animals

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR MALAYSIA

Sidang Dewan Rakyat

Import sehingga 10 juta telur sehari mulai esok

Langkah kerajaan bagi tumpang permintaan pasaran tempatan, kawal harga

Kuala Lumpur: Kerajaan akan mengimport sekurang-kurangnya dua juta hingga 10 juta telur sehari mulai esok untuk menampung keperluan dan permintaan pasaran tempatan selain bagi tujuan mengawal harganya.

Perdana Menteri, Datuk Seri Anwar Ibrahim berkata, jumlah import telur itu sudah bermula sejak 15 Disember lalu dengan permulaaan kemasukan import sebanyak 100,000 biji.

"Maka kita sudah buat perubahan dengan memberikan import bermula pada 15 Disember, 100,000 biji telur (import) dan mulai 22 Disember (Khamis), dua hingga 10 juta telur sehari akan dibawa masuk sehingga keadaan stabil dan keupayaan pengeluaran tempatan terjamin," katanya.

Beliau berkata demikian ketika membentangkan usul Rang Undang-Undang (RUU) Kumpulan Wang Disatukan (Perbelanjaan Wang Masuk) 2022 bagi bacaan kali kedua di Dewan Rakyat, semalam.

Sebelum ini, Menteri Pertanian dan Keterjaminan Makanan, Mohamad Sabu memaklumkan kerajaan akan mengimport bekalan telur daripada beberapa negara sumber yang sudah dikenal pasti dengan segera bagi menjamin bekalan tempatan mencukupi.

Mengulas lanjut, Anwar berkata, isu kenaikan harga barang

khususnya telur ayam dan ayam sebelum ini berterusan hingga kini disebabkan faktor harga banyak ditentukan industri, bukannya kerajaan.

"Kita sudah adakan mesyuarat untuk kenaikan harga barang yang menjadi keperluan Menteri Pertanian dan Keterjaminan Makanan dan Menteri Perdagangan Dalam Negeri dan Kos Sara Hidup (Datuk Seri Salahuddin Ayub) untuk memastikan keperluan itu ada.

"Dalam beberapa minggu, ayam, telur pada 12 Disember, 15 Disember diimport. Ini masalahnya adalah kartel. Masalahnya menetapkan kepada syarikat besar untuk tentukan harga.

"(Justeru) mesti ada kekuatan politik, teknik untuk menyatakan dalam dasar ekonomi (untuk) maslahat awam dan orang ramai diberi keutamaan," katanya.

Skim harga maksimum
Sementara itu, Salahuddin mengumumkan pengukuasaan skim harga maksimum musim perayaan Krismas 2022 selama lima hari bermula Jumaat ini hingga Selasa depan.

Beliau berkata ia membatikan 11 barang iaitu ayam tua hidup, kepak ayam, daging kambing biri-biri bertulang import, tomato, lada benggala hijau, kubis bulat import, lobak merah, ubi kentang import, babi hidup (ladang sahaja), daging babi (perut) serta daging babi (daging dan lemak).

Pengukuasaan kawalan harga maksimum bagi ayam tua hidup, kepak ayam, babi hidup (ladang sahaja), daging babi (perut) serta daging babi (daging dan lemak) banyak berfokus kepada bekalan di Sabah dan Sarawak serta Labuan.

"Barang ini kebanyakannya diimport dan permintaannya



Salahuddin pada sidang media di Parlimen, semalam.

(Foto Mohamad Shahril Badri Saali/BH)

cukup tinggi di Sabah, Sarawak dan Labuan berbanding Sembilan.

"Kementerian akan sentiasa membimbang dan memastikan harga dapat dilaksana pada peringkat pasar raya, pasar mini dan kedai runcit di kawasan pedalaman supaya barang ini dapat dibeli serta mengelak sebarang tindakan pencutatan harga," katanya pada sidang media di Parlimen, semalam.

Salahuddin berkata, bagi ayam tua hidup, harga kawalan runcit pada peringkat runcit ditetapkan adalah RM8.10 sekilogram (kg), sementara kepak ayam adalah RM14 bagi sekilogram berbanding harga semasa RM16 sekilogram.

Bagi daging kambing biri-biri bertulang import pula katanya, harga kawalan adalah RM37 setiap kg, tomato (RM5 setiap kg), lada benggala hijau (RM14 setiap kg), kubis bulat import (RM4 setiap kg), lobak merah (RM4.50 se-

tiap kg) dan ubi kentang import, RM4 bagi sekilogram.

"Bagi babi hidup (ladang sahaja), harga kawalan runcit di Sarawak ditetapkan pada RM15 sekilogram, sama dengan harga pasaran ketika ini. Sementara Sabah dan Labuan RM19.50 setiap kg. Daging babi (perut), di Sarawak harga kawalan RM30 setiap dan Sabah serta Labuan adalah RM45 setiap kg.

"Daging babi (daging dan lemak), di Sarawak harga peringkat runcit adalah RM27 setiap kg, harga semasa adalah RM35 setiap kg. Sementara di Sabah dan Labuan pula, harga kawalan adalah RM38 setiap kg berbanding harga semasa RM45 setiap kg," katanya.

Sementara itu, beliau berkata, kementerian akan mengagihkan bantuan segera 'Food Bank' kepada mangsa banjir di seluruh negara dalam usaha meringankan beban mereka.

Kartel telur: Kena berani ubah dasar - Anwar

Kerajaan juga akan import sekurang-kurangnya dua hingga 10 juta biji telur sehari bermula Khamis

KUALA LUMPUR

Tindakan membiarkan pemain bergasi industri telur ayam menentukan harga dan pengeluaran mereka menjadi punca negara berdepan krisis kekurangan bekalan telur ketika ini.

Perdana Menteri, Datuk Seri Anwar Ibrahim berkata, disebabkan 'lepas tangan' itu, syarikat-syarikat besar tersebut bertindak sebagai kartel yang mengawal pasaran telur berkenaan.

Justeru katanya, Kerajaan Perpaduan Malaysia yang dipimpinnya akan melihat isu tersebut secara serius dalam usaha untuk mengekang aktiviti kartel berkenaan.

"Masalah kita ini (krisis telur kerana) kartel. Kita meletakkan syarikat-syarikat (pengeluar telur) menentukan harga dan pengeluaran."

"(Selepas ini tidak boleh lagi) kita mesti ada kekuatan politik, tekad untuk menyatakan dalam dasar ekonomi ini kemaslahatan awam dan rakyat itu diutamakan," katanya ketika membentangkan Rang Undang-Undang



Menurut Anwar, jumlah import telur ayam sudah bermula sejak 15 Disember lalu dengan permulaan kemasukan import sebanyak 100,000 biji telur.

(RUU) Kumpulan Wang Disatukan (Perbelanjaan Masuk Akaun) 2022 dan Usul Anggaran Perbelanjaan Pembangunan Sementara 2023 di Dewan Rakyat pada Selasa.

Anwar dalam masa sama turut memaklumkan, kerajaan akan mengimport sekurang-kurangnya dua hingga 10 juta biji telur sehari bermula Khamis ini sebagai usaha menampung keperluan dan permintaan pasaran tempatan.

Ujarnya, jumlah import telur itu sudah bermula sejak 15 Disember lalu dengan permulaan kemasukan import sebanyak 100,000 biji telur.

"Maka kita sudah buat perubahan dengan memberikan import bermula pada 15 Disember, 100,000 biji telur

(import) dan mulai 22 Disember (Khamis), dua hingga 10 juta biji telur sehari akan dibawa masuk sehingga keadaan stabil dan keupayaan pengeluaran tempatan terjamin," katanya.

Media sebelum ini melaporkan, Menteri Pertanian dan Keterjaminan Makanan, Mohamad Sabu berkata, kementerian itu melaksanakan pelan jangka pendek dengan membawa masuk bekalan dari luar negara bagi menampung keperluan telur ayam dalam negara.

Malah Mohamad turut berkata, pihaknya mengenal pasti beberapa sumber dari luar untuk menampung keperluan bekalan dalam negara dengan kadar segera bagi memastikan keterjaminan telur ayam di pasaran.

Kerajaan mahu hapus penguasaan kartel

Import 10 juta telur ayam

Oleh ZULKIFLI MANZOR

KUALA LUMPUR – Kerajaan membenarkan pengimportan telur ayam antara dua hingga 10 juta biji telur sehari mulai 22 Disember ini sehingga bekalan menjadi stabil dan keupayaan pengeluaran tempatan terjamin.

Perdana Menteri, Datuk Seri Anwar Ibrahim berkata, kelulusan pengimportan itu bagi membolehkan rakyat tidak terlalu terbeban dengan kenaikan harga barang selain memastikan bekalan makanan mencukupi.

"Masalah kita adalah kartel. Meletakkan kepada syarikat-syarikat besar menentukan harga dan pengeluaran. Mesti ada kekuatan politik dan teknad kemaslahatan rakyat diutamakan," katanya di Dewan Rakyat semalam.

Sejak beberapa bulan lalu, isu kekurangan bekalan telur ayam berlaku hampir di setiap tempat di seluruh negara hingga menyuarakan pengguna dan peniaga untuk mendapatkan stok.

Pengguna ternyata terbeban dengan situasi tersebut apabila harga barang tersebut semakin melambung selain catuan penjualan terpaksa dilakukan oleh pembeli bagi mengelak pembelian secara banyak oleh individu tertentu.



ISU kekurangan telur ayam telah membenggu pengguna dan peniaga di negara ini sejak beberapa bulan lalu hingga berlaku lonjakan harga melampaui. – GAMBAR HIASAN

Isu itu juga dilaporkan secara agresif oleh *Kosmo!* bagi menyuarakan isi hati rakyat yang tidak berpuas hati dengan harga runcit telur ayam sehingga membebani mereka selain membuatkan segelintir peniaga berdasarkan barang itu seperti pembuat kek enggan meneruskan perniagaan.

Dalam pada itu, Anwar turut memaklumkan, cadangan pentadbiran kerajaan lalu mahu menaikkan tarif elektrik adalah bertentangan dengan Kerajaan Perpaduan kerana rakyat sedang terbeban dengan keadaan kos sara hidup.

Justeru, beliau memutuskan

tarik elektrik tidak dinaikkan kepada pengguna domestik, perusahaan kecil dan sederhana serta pertanian kecuali kepada syarikat besar yang mempunyai pendapatan melebihi kadar layak mendapat subsidi. Kerajaan juga akan menanggung subsidi lebih RM10 bilion bagi tempoh 6 bulan.

TARIKH	MEDIA	RUANGAN	MUKA SURAT
21.12.2022	KOSMO	NEGARA	7

4,000 ekor ayam mati, ladang ternakan dinaiki air

Penternak alami kerugian RM25,000

Oleh ROHANA MOHD. NAWI

KOTA BHARU – Seorang penternak ayam mengalami kerugian kira-kira RM25,000 apabila kesemua 4,000 ekor ayam ternakkannya mati akibat ditenggelami banjir di Kampung Beris Arab, Pengkalan Chepa di sini kelmarin.

Nik Kamal Raja Hassan, 60, berkata, kesemua ayam yang mati dianggarkan berusia dalam lingkungan dua minggu hingga 35 hari.

Menurutnya, dia menyedari ayam-ayam tersebut mati kira-kira pukul 9 malam selepas dihubungi pekerjaan apabila air banjir sudah memasuki reban yang dibina setinggi satu meter.

"Saya terus bergegas ke reban dan cuba menyelamatkan haiwan tersebut yang dilihat cuba berenang, malah ada yang sudah mati ekoran ditenggelami air."

"Saya amat terkilan kerana tidak sempat menyelamatkan kesemua ayam ternakan kerana paras air meningkat dengan cepat dengan arus deras," katanya ketika ditemui *Kosmo!* di sini semalam.

Nik Kamal yang juga pesara guru berkata, dia hanya mampu melihat bangkai-bangkai ayam itu, lebih-lebih lagi 2,000 ekor sepatutnya sudah boleh dijual.

Katanya, mengikut perancangan, pemborong akan datang mengambil 2,000 ekor ayam, namun terkandas berikutan laluang

masuk ke kawasan ternakan di naiki air.

"Saya tidak jangka air naik di kawasan ini kerana penduduk se tempat memaklumkan, tempat ternakan ayam yang saya usahakan ini tidak pernah terjejas banjir sebelum ini."

"Saya baru menternak ayam pertengahan tahun ini selepas mendapat bekalan anak ayam dari Pulau Pinang. Saya hanya sempat menjual sebanyak 2,000 ekor untuk peringkat pertama pada Oktober lalu," katanya.

Kata Nik Kamal, dia berharap agar agensi terlibat dapat menyalurkan bantuan segera bagi meringankan bebanan yang kini ditanggungnya selepas mengalami kerugian besar.



ANTARA bangkai ayam yang terapung selepas sebuah ladang ternakan di Kampung Beris Arab, Pengkalan Chepa, Kota Bharu dinalki air kelmarin.

Sampel telur import bebas wabak?

Oleh FAHMI FAIZ
fahmi.faiz@mediamulia.com.my

PETALING JAYA: Kira-kira satu peratus atau 2,000 daripada keseluruhan 200,000 biji telur ayam yang dibawa masuk dari India baru-baru ini, dijui di makmal dan didapati bebas wabak selesesa burung.

Sementara baki kira-kira 198,000 biji telur tidak dapat dihantar ke makmal dan sudah masuk ke pasaran tempatan, tanpa jaminan bebas wabak penyakit tersebut.

Utusan Malaysia difahamkan, berdasarkan maklumat daripada beberapa pemain industri telur tempatan yang terlibat dalam eksport produk itu, kerajaan menghadapi beberapa kekangan untuk menguji kesemua telur import itu.

"Saya difahamkan kerajaan

mendapat, setakat Jumaat lepas, semua 2,000 biji sampel telur import itu negatif wabak selesesa burung," katanya.

Namun terdapat kebimbangan pihak industri kerana 198,000 biji telur import tidak dapat dijui bagi menjamin ia bebas wabak berbahaya itu.

Justeru, kata sumber, hal ini mendedahkan pengguna kepada risiko jika ada antara telur-telur itu berpenyakit.

"Memang saya difahamkan kerajaan tak boleh buat sampling terhadap semua 200,000 biji telur, sebab untuk uji kaji makmal, telur-telur kena dipecahkan. Jadi, tak akan kerajaan mahu pecahan kesemua 200,000 biji."

"Ia tidak sama seperti ujian ke atas haiwan hidup."

"Untuk ujian haiwan, sampel darah yang diambil tanpa perlu membunuhi. Tapi dalam kes

Kerajaan tak boleh buat sampling terhadap semua 200,000 biji telur, sebab untuk uji kaji makmal, telur-telur kena dipecahkan."

ujian makmal terhadap telur, ia perlu dipecahkan," katanya.

Sejak 16 Februari tahun ini, India melaporkan penularan wabak virus selesesa burung H5N1 yang di ladang penyelidikan ayam di timur laut negeri Bihar.

Reuters yang memetik Per-tubuhan Kesihatan Haiwan Se-

dunia (OIE) berkata, virus itu setakat ini telah membunuh 787 daripada 3,859 ayam di ladang di Patna, mengakibatkan semua ternakan itu dimusnahkan.

Kemudian pada 14 Disember, agensi berita *Xinhua* melalui wartawannya yang berpangkalan di New Delhi melaporkan, pihak berkusa Kerala mula memusnahkan unggas di negeri itu berikutan wabak selesesa burung.

Pemusnahan unggas tersebut dilakukan di daerah Kottayam, kira-kira 147 kilometer ke utara Thiruvananthapuram, ibu kota Kerala.

Menurut pegawai, 8,000 unggas dimusnahkan di kawasan Arpookkara dan Thalayazham di daerah itu.

Virus selesesa burung H5N1 yang sangat patogenik disahkan merebak di dua kawasan

itu, selepas ujian yang dijalankan di Institut Penyakit Haiwan Keselamatan Tinggi Negara di Bhopal mengesahkan kehadiran virus itu dalam sampel yang dihantar dari daerah tersebut.

Jumaat lalu, Kementerian Pertanian dan Keterjaminan Makanan memberi kebenaran sementara kemasukan telur ayam dari sumber luar dan kebenaran itu akan dikaji semula apabila bekalan telur dalam negara kembali stabil.

Utusan Malaysia telah menghubungi National Institute of High Security Animal Diseases of India (NIHSAD) yang berpangkalan di Anand Nagar, Bhopal untuk mendapatkan penjelasan berhubung kes selesesa burung di negara itu serta prosedur eksport telur ayam ke luar negara, dan masih menunggu maklum balas pihak mereka.



TARIKH	MEDIA	RUANGAN	MUKA SURAT
21.12.2022	THE STAR	VIEWS	13

Teach kids to love animals

EDUCATION is a matter that is very near and dear to my heart. I have a PhD in Mathematics Education and was in the teaching profession for 34 years prior to my retirement.

Besides education, I also have a passion for helping animals. I am the founder of AnimalCare Society Petaling Selangor (myanimalcare.org). We mainly provide financial aid to help in the neutering and vaccination of street animals, but more importantly, we aim to inculcate kindness to animals through education and by example.

In our work, we are often contacted by pet owners seeking advice on how to manage their pets. There have also been cases of pet owners who no longer want their pets after the initial excitement period is over or when their pets fall ill or grow old. This often results in pet abandonment, whereby the unwanted animals are left on the streets or vacant properties to fend for themselves in.

When the number of abandoned

pets increases, people who are not tolerant of their presence would report them to the authorities. The animals would then be captured and destroyed.

Also, many of the "strays" we see in urban areas may be the offspring of abandoned pets. This is a very sad malady of our modern society these days.

The Animal Welfare Act 2015 was formulated to inculcate responsible pet ownership. But I think most pet owners are ignorant of this law.

Neutering of pets is a very important and effective way to stop unwanted breeding. But again, some owners are not even aware of the importance or the benefits of getting their pets neutered. Where can they get this information?

We also sometimes read about animals, both pets and strays, being neglected and/or abused. The acts of cruelty inflicted on the animals result in injuries as well as death.

Compared to the previous law, there is a heavier penalty for such

crimes under the Animal Welfare Act to deter animal abuse.

But a much better and more effective way to tackle animal abuse is to nip it in the bud. And this is where education plays a very important role. Knowledge is power.

We are therefore appealing to Education Minister Fadhlina Sidek and her deputy Lim Hui Ying to consider introducing lessons on how to care for animals in the primary and secondary school curricula. Children must be guided to live responsibly and harmoniously with animals from young.

Studies have shown that interaction with animals can teach children about empathy and kindness while building their self-esteem. When we tap into children's natural affinity and love for animals, we can foster pro-social behaviour in the classroom. This will go a long way in moulding them to become socially-positive citizens.

Research on pet ownership and

social development has also provided evidence for an association with increased social competence, social networking and social interaction.

Street animals will always be part and parcel of any community. Learning to live harmoniously with them is a life skill. In Turkey, the people live harmoniously with street animals. They set up feeding stations, get the animals neutered and vaccinated, and their efforts are supported by the government. Such goodness begins with education.

Our future depends on the young, hence we fervently hope the Education Ministry will consider our suggestion and respond positively. You have the power to make changes that will help mould our young into caring human beings.

DR CHAN KAH YEIN
on behalf of the street animals
in Malaysia
AnimalCare Society Petaling
Selangor